


مجموعه فنون

از

جمعیت علمیہ عثمانیہ



اوچنچی سـنه

نومرو ۲۵

محررم

استانبول

جمعیت علمیہ عثمانیہ مطبعہ سنده طبع اولمشدر

۱۲۸۱

(تاریخ قدمای ملوک مصریه)

بطلمیوس فیلوپاتور

ملک مشارالیه میلاددن ایکی یوز یکرمی سنه اول جالش مقام پدر اولوب عبش وعبشرته زیاده انهماکی سؤاداره سنی و بودخی اهلینک کندوسندن نفرتنی مستلزم اولدیغندن بریه الشام حکمداری بولنان انطیوکوس ملک مشارالیهک شو حالندن استفاده ایتک استیه رک مصر حکومتنه تابع بولنان ارض فلسطین و فینسیا ایالتلرینی ضبط ایتک اوزره قیام ایدوب بوندن طولانی دولتین بیتمده ایکی سنه آتش حرب وجدال اشتعال ایتدکدن صکره مصریون مغلوب اولسیله انطیوکوس ایالتین مذکورتنی ضبط و تسخیر ایلدکدن بشقه پلوس شهرینه قدر کلوب مصری دخی استیلا ایتک اوزره ایکن نیلک فیضانی مناسبتیه ایلرویه کیده میهرک عودته مجبور اولدی بونک اوزرینه بطلمیوس اخذ انتقام داعیه سیله یتش بیک پیاده ویکرمی بیک سواری و یوز یکرمی فیلدن مرکب بر اردو ترتیب ایله بالذات کندوسی بریه الشام اوزرینه هجوم ایلدی طرفین اردولی

راقیا نام محله ملاقی اوله رق پینلرنده بر محاربه عظیمه وقوعبولش
 و بریه الشام اردوسندن اون بیک قدر آدم تلف اوله رق انطیوکوس مغلوب
 اولشد. انجق اشو غلبه حکمدار مشار الیهک اثر رشدوروتی
 اولیوب مجرد رفاقتنده بولنان همشیره و زوجه سی ارسینوی ایله
 ملک مشار الیهک خدمتده بولنان نیقوله نام یونانلو برضا بطک
 حسن تدبیر و اقداملری ثمره سی اولق اوزره حصوله کلمشدر.
 اشو محاربه دن صکره بطلمیوس قدس شریفه کیدوب اول زمانده
 یالکز یهودیلر بتیرست اولمیدرق تورات شریف اوزره اجرای ایین
 دین ایلدکلری حالده بطلمیوس فوق العاده اوله رق ذبح قرابین ایلدی
 و عبادتگاهده بولنان محرابک درونته دخول ایله تماشا ایتک استیوب
 بودخی عندالیهود جائز اولدیغندن شاید بر غضب الهی ظهوراید
 مطالعه سیله کیرماسی اهالی و احبار یهود طرفندن نیاز اولنش
 ایسه ده بطلمیوس اصغما ایتیه رک محرابه کیرمک اوزره ایکن دفعه
 کندوسنه بر خوف و دهشت طاری اوله رق شونیندن صرف نظر
 و متعاقباً اردوسيله برابر مصره عودت ایلشد.
 بطلمیوس ذکر اولنان محراب وقعه سندن طولانی غوماً یهودیلره
 خصوصت ایلدیکندن مصره دخولنده اوراده بولنان بالجمله یهودیلره جبرا
 تبدیل دین ایتدیرمکی تصمیم ایدوب بولنردن یالکز اوچیوزی اولبابده
 اظهار موافقت و قصور قرق بیکی قبولدن استنکاف ایتمش
 اولسلیله بولنری فیله ره پایمال ایتدیرمک اوزره اسکندریه جه جمع
 ایتمش ایسه ده اول ائنده بررؤیا کوروب بونی اشارت غیبیه جه حل ایله
 اوقدر یکنهاک خون ناحقنی اراقه دن اجتناب ایلدی. بطلمیوسک
 معناسی اسمنده بر برادری اولوب اخلاق حیده ایله موصوف

اولد یغندن اهانلک کندونه زیاده میل و محبت کوستر دکاری مشاهده
ایلد کده حسدندن ناشی مومی الیهی قتل ایتدی رمشدن
یونانستانده وقوعبولان محارباتده مغلوب اوله رق مقدملری مصره
التجسایتمش اولان اسپارطه حکمداری فیلومن حسن اخلاق
واهلست ایله متصف اولمسیله بطلمیوسک پدری زمانده زیاده مظهر
اعزاز واحترام اولوب حتی اسپارطه حکومتی اجانب یدندن
تخلیص ایتک اوزره کندوسنه مقدار وافی عسکر ترفیق دخی وعد
اولتمش ایکن بطلمیوس ملتجی مشارالیه حقنده حرمت ایتد کدن
بشق یدندن نزع اولتمش اولان مملکتک استخلاصیچون محاربه
ایلمسته بیله رخصت و یرمیرک حبسه القسا و فیلومن شاید فرار
ایدرک مملکتنه کیدوب حکومتی استرداد و یونانستانی ضبط ایدرایسه
کندوسنک حقنده روا کوردیکی معاملات غیر لایق ددن طولایی
اخذ انتقامه قیام ایدر ملاحظات و اهیده سنه ذاهب اوله رق هم ملتجی
وهمده مسافر اولان مشارالیهی بغیر حق قتل ایتدیردی . بطلمیوسک
کندو والد سنی دخی اعدام ایلدیکی مرویدر .

بطلمیوس و کلاسندن سوزیب نام برذاته زیاده امنیت و اعتماد
ایدرک زمام حکومتی یدینه تسلیم ایتسیدی . اشبو سوزیب غایت
مفسد و دسپسه کار برادم اولد یغندن متبعونک مزاجنه کوره
حرکت و هوا و هوسنه خدمت ایدرک مشارالیه حلول ایتمش
اولد یغندن بی پروا اهالی حقنده انواع مظالم ارتکاب و خزینه دولتی
خراب ایدر ایدی . بطلمیوسک زوجه سی ماده بی کندوسنه بیان وشو
حالت وخامت عاقبتی درمیان ایلدیکی جهته مومی الیهایی دخی قتل
ایتدیردی . بونک اوزرینه اهالی عصیان ایدرک مومی الیهانک قتلنه

مأمور اولان شخصی اعدام و مرقوم سوزیک عزل و نفیله یرینه
تلیوسیم اسمند بر ذاتک نصبنه بطلیوسی اجبار ایلدیلر. مومی
ایله هر نقدز اهل عفت و استقامتن ایشه ده حلم و ملائمتی غالب
اولدیفندن مأموریتی بر وجه مطلوب اصلاح حاله مدار اوله مبهرق
بطلیوس کماکان فسق و فجور رایله اشتغال و عنان امور مملکتی بر
طاقم فاحشکان و فسدیدینه اعطا ایلدی. مشارایله مدت حکومتی
اون یدی سنه تمتد اولدقدن صکره عیش و عبشرتک سو تأثیرایله
هلاک اولمشدر.

هلاک مشار الیهک یند بطلیوس نامنده بش یاشند بر اوغلی قالوب
ایام حیاته بونک تریه سنی محبوبه سی اولان بر خاتون ایله مزبوره نک
والده سنه و اغاتوقلی نام برادرینه حواله ایشیدی. بونلر برفاچ کون
هلاک مشار الیهک وفاتنی کتم ایدرک شواشاده سرایدن بر حقوق
محوهرات و سائر ذیقیمت اشیا اخذ و سرقت ایلدیلر و مرقوم
اغاتوقلی دخی وصی حکومت اولق داعیه سیله وارث سلطنت اولان
چوجوق قوجاغنده اولدیغی حالده اغلیه رق کبرا و اهالینک اوکنه
چیقوب باش وکیل بولنان سالف الذکر تلیولیمک بو چوجغی اعدام ایله
صندلی حکومت قعود ایلک نیشنده اولدیغنی و متوفی ایسه چوجغی
و حکومتی کندوسنه تودیع و توصیه ایلدیکنی بیان و ادعا ایلش ایسه ده
اشبواقوال کاذبه سنه توجیه سمع اعتبار اولنیه رق چوجوق قوجاغندن
النوب در عقب سلطنتی اعلان و مرقوم اغاتوقلی ایله والده و همشیره
واقربا و متعلقاتی بالجمله اعدام قلندی.

بواشاده بریده الشام حکمداری انطیوکوس ایله مقدونیا حکمداری
فیلیپوس مصر حکومتک بر چوجوق نیشده بولمنسی وسیله انتخاب

ایدرك حكومت مذكوره ايله اولان عهدلرني نقض وخطه مصریه بی
ضبط ايله یتلرنده تقسیم اولمقی اوزره عقد اتفاق ایلدیلر. فقط
بوانسانده روما جمهورى متفقین مذكوره اعلان حرب ایلدیكندن
متفقین انجق انكله اوغراشمق اوزره مصر لوائله محاربه دن صرف
و نظر ایلکه مجبور اولدیلر.

مصر کبراسی باش وکیل بولنان تلبولیک عدم اهلیندن ناخشنود
اوله رق مومی الیهى عزل ایتلر ايسده یرینه بر بشقه سنك انتخابی
حقنده یتلرنده اختلاف ظهور ایدوب شو مشکلا نك حلی ضمنده
نهایت روما جمهورینه مراجعت ایتلریله جمهور مذکور ارستومن
نام یونانلوی وصی دولت تعیین ایدوب من بعد دخی بو مقوله
منازعا نك منع وقوعیچون مصری تحت حایه سنه الدی مومی الیه
ارستومن اصحاب رشد و سداددن اولغله نظامات جدیده وضع
و اصول اداره بی اصلاح ايله امن و اسایش عامه بی استحصال
ایلدی.

بریه الشام ملکی بولنان انطیوکوس فیلوپاتر نام کریمه سنی بطلمیوسه
تزویج و جهاز اوله رق فلسطینی اعطا ایدوب بو وجهله مملکتین
بینده مناسبات دوستانه کسب تا کد ایلدی.

بطلمیوس سن بلوغه واصل اوله رق زمام حکومتی اله الدقده
پدرینك اثرینه اقتفا ايله خزینه حکومتی اتلاف و اهالی حقنده
مظالم و تعدیاته ابتدار ایتسیله مومی الیه ارستومنك اثره متی اولان
اسایشه خلل طاری اوله رق اهالی ینه رفع لوای عصیان ایلدیلر.
ارستومنك حسن تدبیریله اشبو غائله فساد مندفع اولمش ايسده
بطلمیوسك اتشای اختلالده تلف اولدیغنه دائر بریه الشامده بعض

اراجیف شایع اولمغله انطیوکوس مصر الکاسنی صمیمه ممالکی
الملك ایچون مصر اوزرینه براردوسوق ایلش ایسه ده خبر
مذکورک عدم صحی اکلاشلقده یالکز فلسطین ایلنک برجزوینی
ضبط ایله اکتفا ایلدی.

بطلمیوسک فساد اخلاقی کندیکه اشتداد بولوب حتی سالف الذکر
ارستوفنک وقوع بولان حسن خدماتنه مکافات لازم کلور ایکن
مومی الیهی تسیم ایلدی. و انواع شناعت ارتکابیه بیت المال
اتلاف و برارلق دخی بریه الشام حکومتی ایله محاربه یه قیام ایلدی.
بونک ایچون اقتضا ایدن اچیه یی زهدن تدارک ایده جکنی کبرادن
برایسی کندوسندن سؤال ایلد کده بنم دوستلرم خزینه لمدردیووردیکی
جوابدن مقصدی کندولرنی قتل و ماللرینی مصادره ایتک اولدیغی
سیاق حاندن اکلاشلقله کبرای مملکت بالاتفاق کندوسنی تسیم
ایلدیله. مشارالیهک مدت حکومتی یکرمی درت سنه ممتداولشد.
متوفای مشارالیهک بطلمیوس فیلمتور و بطلمیوس فیسکون نامنده
ایکی اوغلی و قلیوپاتر نامنده برقری اولوب یته قلیوپاتر اسمنده
اولان زوجه سنی قبل الوفا بونله وصی نصب ایلشیدی. مشارالیها
برسنه قدر اهلیت و عدالتله مملکتی اداره ایدوب برادری اولان
بریه الشام حکمداری انطیوکوس ایله مصر حکومتی بینده تأکید
رابطه صلیح و صلاح ایلدی. مشارالیهانک وفاتده کندوسنی
کوچک اوغلی بطلمیوس فیسکونک تسیم ایلدیکی شایع اولدیغندن
اهالی عصیان و مومی الیهک اعدامنه قیام ایتشله ایهده یوک
برادری دفع فساد ایله بطلمیوس فیسکونی ورطه هلاکدن تخلیصنه
ظفریاب اولدی.

انطیوکوس ایپفان بریه الشام حکمداری اولدقده فلسطین
ایالتی اسکندر بن فیلیپوسک وفاتندن صکره ممالک شامه الحاق
اولنوب حالبوکه کندوسنه راجع اوله جفنی در میان ومصر حکومندن
ردنی طلب ایلمسبله مصر حکمداری بطلمیوس فیلمتور بویالتک مدت
مدیده دنبرو مصره تابع اولدیغی ومؤخرأ دخی پدری بریه الشام
حکمدارینک کریمه سنی تزوج ایلدکده بالاده بیان اولندیغی اوزره
جهاز اوله رق مصره فراغت ایلدیکی جهته ملک مشروعی اولدیغی
جوانی ویرمش و بوجهنله مصلحت کشاکنده قاهره رق مسئله
حربی نتیج اریق اوزره ایکن مصرملکی اسکندریه ده رسم توجی
اجرا ایتدیکنندن صورتا تبریک جلوس ومعناً مصرک قوه
عسکریه سی واصول پولیتقه سنی تحقیق ایملک اوزره بریه
الشام حکمداری اورایه اپولونیوس نامنده برسفیر کوندروب
بونک تحقیقات واقعه سنه نظرا اسباب مختلفه یه مبنی حکومت
مصریه نک کمال ضعیفی اکلا شملغله مصر اوزرینه براو بحر اعسکر سوق
ایدوب ودیپلوس شهرینه قدر ایلروکیدوب مقابلنه کوندربیلان
مصر اردو سنه غلبه ایلدی . فقط اول ائناده حکومتی داخلنده
یونان یهودیلر عصیان ایلدیکنندن پای تخی اولان صور شهرینه
عودت وسنه آتیده یته برجیم اوردو ایله مصر اوزرینه حرکت
ایلدی و طرفین یئنده بر محاربه عظیمه وقوعیله مصر اردو سنه
غلبه ایدرک بطلمیوس فیلمتوری اسیر واسکندریه دن ماعدا کاملاً
ممالک مصریه بی ضبط وتسخیر ایلدی . ابتدای امر ده مصرملکینک
حد ائت سنه مبنی مشار الیهی تحت حمایه اله رق مملکتک اصلاح
احوالی مقصیده کایدیکی اعلان ایدوب براز وقت دخی اجرای عدالت

ایتش ایسه ده مملکتی کاملاً قبضه تسخیره الدقدنصره هر طرفی
یغما وانواع مظالم اجرا ایلدی

بواشاده ملک مشارالیهک مصرده وفاتی وقوعبولدیغی خبری
بریه الشامه منتشر اولوب بونک اوزرینه قدس شریفده عظیم
براختلال ظهور ایلدیکندن ملک مشارالیه ارتق مصرده
طوره میوب مملکنده عودته مسارعت و قدس شریفی تحت اطاعت
ادخال ایتدکنن بشقه نهب و تخریب واهالیندن سکسان ییک
قدر نفوس اتلاف ایلدی . اسکندریه اهاالسی مشارالیهک
غیبوبتی فرصت اتخاذ ایدرک اسیرطوتلش اولان حکمدارلرینک
کوچک برادری بطلیوس فیسکونی مسند حکمداری یه اقعاد
ایتلریله انطیوکوس دفعه ثلثه اولق اوزره جسیم اردوایله مصره
کیدوب اسکندریه یه تقرب ایتدکده مشارالیه فیسکون روما
جمهورینه قظلم حال ایله استمداد ایتکله جمهور مذکور طرفندن
اصلاح ذات البین ضمننده مخصوص سفیرلر کوندلرش وانطیوکوس
روما جمهورینه مخالفندن احتراز ایلسیله بطلیوس فیلمتوری
اطلاق وینلرنده عقد اولنان برعهده نامه اقتضاسیجه فلسطین
ایالتیه مصر الکاسنک کلیدی مثابه سنده بولنان پلوس شهرینی
بریه الشامه الحاق ایدوب یداستیلاسنه یکمیش اولان محال
سائرینی مصر حکومته ردایلدی .

بطلیوس فیلمتور ایله برادری بطلیوسک ایکبسی دخی
حق سلطنت دعواسنه قیام ایله بریسی اسکندریه یه و دیگر
منقبس شهرینه چکیله رک یکدیگریله منهی حرب و قتال
اولدقاری حالده طرفینک وکلاسی محاربات داخله مملکته

مضرات کثیره بی موجب اولدقدن بشقه ایکی جانبه دخی ایراث
ضعف وفتور ایدوب اوحالده بالسهوله مملکتنه اجانب مستولی
اوله یله جکنی مشار الیهمایه تفهیم و بووجهله بینلری نی تألیف ایتار یله
مشرکا اجرای حکومت ایتلرینه قرار ویرلدی .

بریه الشام ملکی انطیوکوس مصری ضبط ایتک اوزره دأما فرصت
وقوعنه منتظر اولدیغندن برارالقینه بروسيله بوله رق مصر
اوزرینه برارود و سوق ایلدی . اشبورادو منفیس شهرینه قدر
کله رک اورادن اسکندریه یه دخی روبراه عزیمت اولدیغی حالده
مشار الیهما مصر حکمدار لریینه روما جمهورندن استمداد ایتلریله
جمهور مذکور انطیوکوس طرفنه یو یلیوس لینا اسمنده برسفر
ارسال ایلدی . اشبوسفر حکمدار مشار الیه ایله ملاقاتنده کندوسنک
بومخاربه دن فراغت ایدوب مملکتنه عودت ایتلسی روما جمهورینک
مطلوبی اولدیغنی افاده و تبلیغ ایتکله مشار الیه در حال بوکا جواب
ویرمک استیوب ملاحظه ایتدن صکره بو بایده صورت افکار می
سزه بیان ایدرم دیدکده سفیر مومی الیه بوکا قائل اولوب ائنده اولان
عصا ایله حکمدارک طور دینی محاک اطرافنه برکوچک دائره چیزوب
اگر بودائره دن حقیقه قسزین جمهورک تکلیفنی قبول ایتز ایسه کز
خصما مزدن معدود اولور سکر دیدی . اشبو تهدیدک اوزرینه
مشار الیه زیاده خوف و تلاش ایدرک یزندن حرکت ایتکسزین
تکلیف مذکوره موافقت و در عقب اردوسيله برابر مملکتنه عودت
ایلدی . سفیر مومی الیهک حرکت مشروحده سی شهرت بولوب
الیوم دخی بریوک دولسک سفیری برکوچک دولته بعض شی تکلیف
ایدرک در حال جواب قطع بستی استدکده یو یلیوسک دائره سنی

چیزدی دینلور. انطیوکوس بوقعه دن غایت منفعل اولسیله
 مملکتنه عودتده حال عصیانده بولسان یهودیلردن پک چوق
 نفوس اتلافیله تشفی غیظ ایلدی. فیسکون غایت حریص وغدار
 برادم اولدیغندن انطیوکوس غائله سنک اندفاعنی متعاقب
 برادری فیلموتور علیهنه برفساد ترتیب ایدرک بونی اسکندریه دن
 طرد ایلدیکندن مشارالیه رومایه التجا و سنا تو مجلسنک
 صحابت و جاینتی استدعا ایلدی. مجلس مذکور مشارالیه حقنده
 حرمت لایقینی اجرا و شکایات واقعه سنی استماع ایلدکدن صکره
 مصر الکا سنک ایکی برادریشنده تقسینه حکم ایلدی. فیسکون
 ابتدای امر ده حکم مذکوره امثال ایتمش ایسه ده بعده کندو
 حصه سنک دیگرینه نسبتله جزئی اولدیغندن بمحلله قبریس
 اطه سنک دخی کندوسنه اعطا اولغنی استدعا ایلدی و چونکه
 روما جمهورینک اوتة دنبرو پولیتقه سی ملوک سائر یئنه فساد
 القا بونک دفعیچون کندوسنی حکم اتخاذا ایتدیروب بو طریق ايله
 مملکتلرینی ضبط واستیلا ایتک اولدیغندن فیسکونک اشبو
 استدعاسنه مساعدت ایلش ایسه ده فیلموتور بونی قبول ایتدیکندن
 فیسکون روما جمهورینک اعانه سیله برادری اوزرینه عسکر سوق ایدوب
 وقوع بولان محاربه ده فیلموتور غالب کله رک فیسکونی اسیر ایلدی
 فقط حقنده برکونه سوءعامله روا کورمیه رک حصه سی اولان
 ممالک متصرف اولق اوزره محلته اعاده ایلدیکندن فیلموتورک
 شومرونی روما جمهوری نزدنده رهین تحسین اولوب مطالب سابقه ده
 اصرار ایتیه رک مشارالیه ايله عقد مصالحه یه رغبت و قبریس
 جزیره سنی کندوسنه ترک ایلدی. وقعه مذکوره دن صکره فیلموتور

برقاج سینه صلح و صلاح اوزره حکومت ایدوب انجق بریده
 الشامده دیمتریوس مسند نشین حکمداری اولدقده حکمدار
 سابق انطیوکوسک اسکندر بالا نامنده برولدا مشروعک
 دیمتریوس علیهنه برعظیم فساد ترتیب ایتدیکنی فیلومتور استخبار
 ایلد کده فلسطین ایالتی استرداد ایتک اعلیه اسکندر بالایه برای امداد
 عسکر کوندر دکن بشقه همشیره سی قلیوپاتری دخی کندوسنه
 تزویج ایلدی. سکندر بالایشای محاربه ده دیمتریوسی اخذ و قتل
 ایدرک بریده الشامی کاملاً قبضه تصرفه المیش ایدسه ده مرتکب
 اولدیغی مظالم و تعذبات اهالی بی دلکیر ایلدی و متوفی دیمتریوس
 نامنده اولان ارغلی بر مقدار وافی یونانلو عسکر جمعیله پدری مملکتندن
 بعض محارری ضبط ایلدیکندن فیلومتورینه انشته سنک
 امدادینه کتدی و اپولونیوس نام برادرمک فیلومتوره سوء قصد ایتک
 نیتده اولدیغی اکلا شیلوب تعقیب اولندیغی صروده اسکندر
 بالانک نزدینه انجما ایتش اولغله فیلومتور مذکور اپولونیوسی
 طلب ایلد کده اسکندربیونی تسلیمدن امتناع ایتدیکندن فیلومتور
 منفعل اوله رق همشیره سنی اسکندردن تفریق و دیمتریوسه تزویج
 ایدرک رفاقتده اولان عسکری دخی دیمتریوسه اعطا وانطاکیه
 شهرینه دخول ایلده شارانیهی پدرینک مقامده اقصاد ایلدی.
 بو کیفیت اسکندر بالانک مسموعی اولدقده اردوسیه شهر مذکوره
 هجوم ایدوب اولجوارده وقوع بولان بر محاربه عظیمه ده مغلوب اولدی
 بطلمیوس اردوسنده بولان عرب ملوکندن بریسی مر قومی قتل
 و سر مقطوعی بطلمیوسه اهدا ایدوب بطلمیوس دخی اشبو محاربه ده
 مجروح اوله رق برازوقت صکره یعنی میلاددن یوز قرق بش سنه اول

مقدم وفات ایدوب مدت حکومتی او توزیش سنه متمد اولشدر

(محمد جیل)

(خلیل کامل)

سفیر پارس

سفیر پترسبورغ

(مدخل علم ژئولوژی)

بحار وانهار و بحیرات و منابع

ایلروده میاهک تأثیرات واثاری بیان اولنه جق ایسدهده سطح
ارضک بشده اوچی صوایله مغمور اولوب بووجهله میاهک اهمیتتی
درکار اولغله بحار وانهار و منابع و بحیراته دائر بعض معلوماتک
بیانی مناسب کور نمشدر

معلوم اوله که پک چوق دلائل علمیه ایله ثابت و متحقق اولدیغی وجهله
اوزرنده ساکن اولدیغمر ارض کروی الشکل اولوب فقط قطبین جانبی
یصیدر یعنی خط استوا دایره سنک نصف قطری ۶۳۷۷۳۹۸ الی ملیون
اوچیوز یتیش یدی بیک اوچیوز طقسان سکر مترو و نصف محوری دخی
۶۳۵۶۰۷۹ الی ملیون اوچیوز الی الی بیک یتیش طقوز مترو طولنده
ارلدیغندن قطر مذکور محوردن یکرمی بریک اوچیوزاون طقوز مترو
مقداری بیوک دیمک اولور و بوضورتله صفحیت ارض ۱۲۹۹ اولمش
اولور و قطرین پینده اولان فرق یکرمی بریک اوچیوزاون طقوز مترو
یچی یکرمی الی بیک الی یوز قرق سکر ذراع که تقریباً اوج یحق